

EICH DATA, EICH HAWLIAU

Gwybodaeth am sut mae Barnardo's yn prosesu eich data



Llenwi'r ddogfen hon

Mae'r wybodaeth yn y blychau â chefnidir lliw melyn ac mewn ffont italig yn nodi gwybodaeth y mae'n rhaid i chi ei hychwanegu wrth llenwi'r ddogfen hon. Rhaid dileu'r holl wybodaeth mewn ffont italig cyn rhoi'r ddogfen i ddefnyddwyr gwasanaeth neu i ofalwyr.

Mae Barnardo's yn parchu eich preifatrwydd ac mae wedi ymrwymo i ddiogelu eich data personol, ac i fod yn dryloyw ynglŷn â sut yr ydym yn defnyddio eich data. Byddwn yn cydymffurfio ag unrhyw ddeddfwriaeth diogelu data sydd mewn grym ar y pryd. Ein Hysbysiad Preifatrwydd yw'r daflen hon ac mae ar gael ar ein gwefan yn www.barnardos.org.uk. Mae'n esbonio sut yr ydym yn defnyddio unrhyw wybodaeth bersonol a roddir gennych chi neu a roddir i ni gan drydydd parti.

Mae'r daflen hon yn esbonio pa ddata mae

yn eu cadw amdanoch chi a/neu eich teulu, beth mae Barnardo's yn ei wneud â'r data hyn, a beth yw eich hawliau yn hyn o beth.

Y data mae Barnardo's yn eu cofnodi amdanoch chi

Mae Barnardo's yn cadw gwybodaeth bersonol amdanoch chi a all gynnwys eich enw, dyddiad geni, cyfeiriad, rhywedd, ethnigrwydd, hunaniaeth rywiol ac a oes gennych chi anabledd. Byddwn hefyd yn cofnodi gwybodaeth am y gwasanaeth a ddarperir i chi, gan gynnwys asesiadau, cynlluniau ac adolygiadau.

Hefyd, mae

yn cofnodi'r wybodaeth ganlynol

EICH DATA, EICH HAWLIAU

Rydym yn cofnodi eich data er mwyn gallu gwneud yn siŵr bod ein gwasanaeth yn bodloni eich anghenion.

Os bydd Barnardo's yn defnyddio CCTV i gadw plant, pobl ifanc a staff yn ddiogel, byddwn yn cydymffurfio â Chod Ymarfer CCTV Swyddfa'r Comisiynydd Gwybodaeth.

Beth yw ffynhonnell y data rydym yn eu cofnodi amdanoch chi?

Rhesymau Barnardo's dros gadw cofnod o'ch data

Ymysg ein rhesymau dros gadw cofnod o'ch data mae;

- ein helpu i benderfynu ar y ffordd orau o'ch helpu;
- cofnodi sut rydym wedi gweithio gyda chi;
- asesu pa mor llwyddiannus yr oeddem o ran eich helpu ac adrodd ar hyn i'r sefydliadau sy'n ariannu ein gwaith;
- bodloni gofynion perthnasol y gyfraith neu gyrff rheoleiddio.

O dan y Rheoliad Cyffredinol ar Ddiogelu Data (GDPR), a Deddf Diogelu Data 2018 y DU, rhaid bod gennym reswm cyfreithiol i gadw eich data a'u prosesu. Pan fydd Barnardo's yn rhoi gwasanaeth i chi byddwn yn prosesu eich data o dan fuddiant dilys neu fuddiant cyhoeddus. Rydym yn gwneud hyn oherwydd na allwn ddarparu gwasanaeth i chi heb ddefnyddio eich gwybodaeth bersonol.

EICH DATA, EICH HAWLIAU

Gyda phwy gallai Barnardo's rannu eich data?

Er mwyn darparu gwasanaeth i chi, caiff Barnardo's rannu eich data â'r bobl ganlynol, a allai weld eich cofnod;

- Staff Barnardo's sy'n rhan o'r gwaith o ddarparu gwasanaeth i chi, a'u rheolwyr,
- Staff ymchwil Barnardo's er mwyn mesur y gwahaniaeth rydym yn ei wneud, a gwella ein gwasanaethau i blant,
- Arolygwyr yn Barnardo's ei hun a rheoleiddwyr allanol a allai edrych ar eich cofnod i wneud yn siŵr ein bod yn darparu gwasanaeth o ansawdd, ac yn bodloni ein gofynion cyfreithiol,
- Cynrychiolwyr y comisiynydd (fel awdurdod lleol neu awdurdod iechyd) os yw Barnardo's yn darparu gwasanaeth ar ran sefydliad arall. Byddant yn gwneud hyn er mwyn eu sicrhau eu hunain – a chithau – bod y gwaith yn mynd yn ei flaen fel y dylai.

- Ychwanegu gwybodaeth am waith ymchwil
- Efallai y bydd yn rhaid i ni rannu eich data ag asiantaethau eraill am resymau cyfreithiol, gorchymyn llys er enghraifft, neu â sefydliadau eraill os ydym yn credu eich bod mewn perygl o niwed neu y gallech niweidio rhywun arall.
- Efallai y bydd adegau pan fyddwn yn gofyn am eich cydsyniad i ddefnyddio eich data, er enghraifft; i'n helpu i hysbysu'r cyhoedd am ein gwaith. Os mai dyna fydd yr achos, byddwn yn egluro i chi at ba ddiben yn union fydd eich data'n cael eu defnyddio. Gallwch dynnu eich cydsyniad yn ôl ar unrhyw adeg a lle bo'n bosibl, bydd unrhyw ran o'ch data a ddefnyddiwyd at ddibenion cyhoeddusrwydd yn cael ei dileu.

- Os ydym yn dymuno rhannu eich data ag unrhyw un nad yw ar y rhestr hon, byddwn yn rhoi gwybod i chi ac, oni bai fod gennym sail gyfreithiol dros rannu'r data, byddwn yn gofyn am eich caniatâd.

Pwy sy'n gyfreithiol gyfrifol am eich data?

EICH DATA, EICH HAWLIAU

Beth fydd yn digwydd i'ch data pan fydd Barnardo's wedi rhoi'r gorau i weithio gyda chi?

Bydd Barnardo's yn cadw eich data am gyfnod penodedig ar ôl i ni orffen gweithio gyda chi, cyfnod a fydd yn dibynnu ar natur y gwasanaeth a'n dyletswyddau cyfreithiol.

Os bydd Barnardo's yn defnyddio CCTV i gadw plant, pobl ifanc a staff yn ddiogel, byddwn yn cydymffurfio â Chod Ymarfer CCTV Swyddfa'r Comisiynydd Gwybodaeth.

Eich hawl i gael copi o'ch data (Cais Gwrthrych am Wybodaeth)

Mae gennych hawl i ofyn am gopi o'r data sydd gan Barnardo's amdanoch chi. Nid oes rhaid i chi dalu am hwn. Gofynnwch i'ch gweithiwr neu wneud cais ar lafar neu'n ysgrifenedig i:

Gallwch gysylltu â'r Swyddog Diogelu Data hefyd. Mae ei fanylion isod. Mae ffurflen ar gael os ydych yn dymuno ei defnyddio; gall eich gweithiwr roi copi i chi. Mae ar gael ar wefan Barnardo's hefyd: www.barnardos.org.uk

Byddwn yn ymdrechu i roi copi o'ch data i chi cyn pen mis. Os byddwn yn cymryd mwy na mis am ba reswm bynnag, byddwn yn esbonio ein rhesymau am yr oedi i chi. Os oes gennych unrhyw bryderon ynglŷn â chynnwys eich cofnod, dylech gysylltu â rheolwr y gwasanaeth sy'n gweithio gyda chi neu â'r Swyddog Diogelu Data; mae'r manylion cyswllt isod. Byddwn yn cywiro unrhyw gamgymeriadau ffeithiol, fel eich dyddiad geni neu eich ethnigrwydd. Fel rheol, ni fyddwn yn newid unrhyw gofnod o weithredoedd a digwyddiadau, ond bydd eich safbwyntiau ar y cynnwys yn cael eu hychwanegu at y cofnod.

EICH DATA, EICH HAWLIAU

Cysylltu â Ni

I gael rhagor o wybodaeth am sut caiff eich data ei drin, i gael copi o'ch data neu i gwyno am y ffordd mae Barnardo's yn trin eich data, cysylltwch â:

Neu

Swyddog Diogelu Data yn:

Barnardo's Head Office

Tanners Lane, Barkingside,

Ilford, Essex IG6 1QG

 **020 8550 8822**

 **dpo@barnardos.org.uk**

Os ydych chi'n dymuno cwyno neu gael cyngor gan awdurdod goruchwylio dylech gysylltu â'r:
Comisiynydd Gwybodaeth

Wycliffe House

Water Lane

Wilmslow

Cheshire

SK9 5AF

 **01625 545 745**

 **ico.org.uk**

Mae Polisi Preifatrwydd llawn Barnardo's ar y wefan: **www.barnardos.org.uk**